

OFFERYNNAU STATUDOL CYMRU

**2013 Rhif 1724 (Cy. 168)**

**ADDYSG, CYMRU**

**Gorchymyn Corfforaeth Addysg Bellach  
Coleg Ystrad Mynach (Diddymu) 2013**

<i>Gwnaed</i>	-	-	-	-	9 Gorffennaf 2013
<i>Gosodwyd gerbron Cynulliad</i>					
<i>Cenedlaethol Cymru</i>	-	-	-	-	11 Gorffennaf 2013
<i>Yn dod i rym</i>	-	-	-	-	1 Awst 2013

Mae Gweinidogion Cymru yn gwneud y Gorchymyn a ganlyn drwy arfer y pwerau a roddwyd gan adran 27C o Ddeddf Addysg Bellach ac Uwch 1992<sup>(1)</sup>.

Yn unol ag adran 27C(2) o'r Ddeddf honno, mae Corfforaeth Addysg Bellach Coleg Morgannwg ("*Coleg Morgannwg Further Education Corporation*")<sup>(2)</sup> wedi cydsynio i'r trosglwyddiad o eiddo, hawliau a rhwymedigaethau Corfforaeth Addysg Bellach Coleg Ystrad Mynach ("*Ystrad Mynach College Further Education Corporation*")<sup>(3)</sup>.

Mae Gweinidogion Cymru wedi ymgynghori â Chorfforaeth Addysg Bellach Coleg Ystrad Mynach ("*Ystrad Mynach College Further Education Corporation*") yn unol ag adran 27C(6) o'r Ddeddf.

**Enwi a chychwyn**

1. Enw'r Gorchymyn hwn yw Gorchymyn Corfforaeth Addysg Bellach Coleg Ystrad Mynach (Diddymu) 2013 a daw i rym ar 1 Awst 2013.

**Dehongli**

2. Yn y Gorchymyn hwn, ystyr "y Ddeddf" ("*the Act*") yw Deddf Addysg Bellach ac Uwch 1992.

**Diddymu a throsglwyddo**

3. Ar 1 Awst 2013 mae Corfforaeth Addysg Bellach Coleg Ystrad Mynach ("*Ystrad Mynach College Further Education Corporation*") wedi ei diddymu a throsglwyddir ei heiddo, ei hawliau a'i rhwymedigaethau yn unol ag adran 27C(2) o'r Ddeddf i Gorfforaeth Addysg Bellach Coleg

(1) [1992 p.13](#); rhoddwyd adran 27C yn lle adran 27 fel y'i deddfwyd yn wreiddiol, gan Ddeddf Addysg [2011 \(p.21\)](#), adran 49, Atodlen 12, paragraffau 1 a 7.  
(2) A sefydlwyd fel "Pontypridd Technical College" gan Orchymyn Addysg (Corfforaethau Addysg Bellach) 1992 ([O.S. 1992/2097](#)).  
(3) A sefydlwyd gan Orchymyn Addysg (Corfforaethau Addysg Bellach) 1992 ([O.S. 1992/2097](#)).

Morgannwg (“*Coleg Morgannwg Further Education Corporation*”), sef corff corfforaethol sydd wedi ei sefydlu at ddibenion sy’n cynnwys darparu cyfleusterau neu wasanaethau addysgol.

#### **Trosglwyddo staff**

4. Mae adran 26(2), (3) a (4) o’r Ddeddf yn gymwys i unrhyw berson a gyflogir gan Gorfforaeth Addysg Bellach Coleg Ystrad Mynach (“*Ystrad Mynach College Further Education Corporation*”) yn union cyn 1 Awst 2013 fel petai’r cyfeiriadau yn yr adran honno—

- (a) at berson y mae’r adran honno yn gymwys iddo yn gyfeiriadau at berson sy’n gyflogedig fel hynny;
- (b) at y dyddiad gweithredol yn gyfeiriadau at 1 Awst 2013;
- (c) at y trosglwyddwr yn gyfeiriadau at Gorfforaeth Addysg Bellach Coleg Ystrad Mynach (“*Ystrad Mynach College Further Education Corporation*”); a
- (d) at y gorfforaeth yn gyfeiriadau at Gorfforaeth Addysg Bellach Coleg Morgannwg (“*Coleg Morgannwg Further Education Corporation*”).

9 Gorffennaf 2013

*Huw Lewis*  
Y Gweinidog Addysg a Sgiliau,  
un o Weinidogion Cymru

---

## NODYN ESBONIADOL

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn diddymu'r gorfforaeth addysg bellach a sefydlwyd i redeg Coleg Ystrad Mynach a hynny'n effeithiol o 1 Awst 2013. Mae'n darparu ar gyfer trosglwyddo eiddo, hawliau a rhwymedigaethau Corfforaeth Addysg Bellach Coleg Ystrad Mynach i Gorfforaeth Addysg Bellach Coleg Morgannwg. Mae'r Gorchymyn hefyd yn diogelu hawliau cyflogaeth personau sy'n cael eu cyflogi gan Gorfforaeth Addysg Bellach Coleg Ystrad Mynach drwy gymhwyso, gydag addasiadau, adran 26(2) i (4) o Ddeddf Addysg Bellach ac Uwch [1992 \(p.13\)](#) ("y Ddeddf").

Effaith cymhwyso adran 26(2) i (4) o'r Ddeddf yw cadw contractau cyflogaeth cyflogeion Corfforaeth Addysg Bellach Coleg Ystrad Mynach fel petai'r contractau cyflogaeth wedi eu gwneud yn wreiddiol rhwng y cyflogeion a Chorfforaeth Addysg Bellach Coleg Morgannwg. Daw cyflogeion Corfforaeth Addysg Bellach Coleg Ystrad Mynach yn gyflogeion Corfforaeth Addysg Bellach Coleg Morgannwg o 1 Awst 2013 ymlaen.

Ni luniwyd Asesiad Effaith Rheoleiddiol ar gyfer yr offeryn hwn, gan nad oes ganddo effaith ar gostau busnes.